



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

lesu Christi Annus. M.D.LXXIII. Sancti Patris Benedicti. M.XCIII.

urn:nbn:de:hbz:466:1-38498

constantia & Magnanimitate, perseveravit in suo Monasterio, potius mori eligens, quam vel Religionem mutare, vel locum deferere. Ac proin ab Hæreticis in furorem versis, atque vesano impetu in ipsum irruentibus immaniter trucidatus, ad triumphos Martyrum æternos evolavit. *Chryst. Henriquez. Aubert. Miræus. Annal. nostri Benedicti. &c.*

*IESU CHRISTI ANNIS. M. D. LXXIII.
Sancti Patris Benedicti. M. XCIII.*

*P. Benedictus de Toco
Montfer-
ratis
Monachus.*

Verè Redivivus sanctissimus Patriarcha noster Benedictus, in suo re non minus quam Nomine Benedicto de Toco Montferratensi Monacho, Regij generis viro ex Regibus Epiri, & Redivivi Alexandri Magni, atque ob hoc ipsum sic cognominati Scanderbegi sanguine oriundo, qui non minus gloriosis de seipso triumphis, quam ille de Hostibus Christianæ Fidei celebrer, omnes quasitos tam anxie & ambitiose à mundi cultoribus honores generose calcavit, & juratissimus carnis propriæ hostis, eidem uti mundo & Cacodæmoni quo ad vixit, bellum acerrimum indixit, ob egregias animi dotes, & eximias virtutes ac sanctitatis famam, non minus atque Generis dignitatem, à Philippo II. Hispaniarum & Indiarum Monarcha magno in pretio habitus & singulariter dilectus, proque meritis ad amplissimas promotus dignitates, neque Abbatij solummodo diversis, sed & Episcopatibus, sancto vitæ exemplo, singularique sua in rebus gerendis dexteritate prodesse jussus, sub hoc ferè tempus ad Pontificalem Biquensis Ecclesiæ Cathedram, mox ad Gerundensem, demum ad Jlerdensem evectus, ubi integerrimæ vitæ laudibus singulari creditarum sibi ovium cura, Divini honoris & cultus propagandi studio immortale comparans nomen, Ecclesiam Christi & Regnum demeruit univèrsam. *Ex Jesepho & diversis rerum Hispan. Script.*

Fit Episcopus diversorum Episcopatum.

Memorable autem ad æternitatem omnem, quod hoc ipso anno, rebus in Galliarum Regno Calvinistarum furore turbatissimis, DEUS ter Optumus Maxumus, in resuscitando primæ vo Benedictini Spiritus fervore, mirabiliter operari dignatus est. Egit

Commendarium à teneris unguiculis Abbatem, Fulienfis celebri nomine Monasterij in Dicecesi Tolosana Joannes de la Barriere, præcipuæ Nobilitatis juvenis, & facillè juventutis in Chressiensi provincia princeps, ignarus patrimonio Sancti BENEDECTI inutilem sese & noxiùm incumbere, & sacris profanum uti & abuti, cum ipse splendide Parisijs ageret, ac de alieno fortunæ se conferre, ipsumque Canobium acuratus inspicere, remque suam curare; venitque opportunus, ducente procul dubio Numine, cujus suavissimis illicijs, ad rem summæ considerationis, gravissimique momenti disponebatur & præparabatur. Inicium rei, hoc ipso anno, ita se habuit; Inciderant in minus occupatum, Prior loci & Religiosi, tunc fortè animi relaxandi gratia, in campos vicinos exspaciaturi, cum ille Priorem perbenignè affatus se interim Priorem velle agere, & Fratrum cellas visitare dixit: omnia in potestate Jllustrissimi esse, illo respondente. Nec mora: Conventum subiit & singula lustrans, in Prioris conclave incidens, libroque lustrans, eos inter S. P. BENEDECTI Regulam, tanquam rem sibi novam contuitus, summo cum gustu arripiens, & ut consideratius legeret, in Sella Prioris confidens, Caput II. de Abbate primum in oculis habuit, legit, relegit, miro verborum pondere, mirificè statim affectus, cum suum & nomen & vitam, ad amussim illius expenderet Regulæ, mox puderet, tæderet, usurpati Tituli, vitæ antea. Anxius proin sollicitusq; cellâ egressus, perque Dormitorium, sic sacri vocamus, meditabundus obambulans, dignâ demum ac denuo impulsus curiositate, libellum denuo arripere, idque quod forte fortuna primum occurreret, legere proposuit. Occurrit, movente digitos DEI manu ac providentia, caput Regulæ sexagesimum quartum: *De ordinando Abbate.* Quod & legendum & considerandum tanquam à DEO sibi præscriptum accepit, miratusque summo opere est, occurrissè nihil aliud, quàm quod Abbatem concerneret, facillè animadvertens, non tam fortuitum fuisse quod akera vice obtigerat, quàm Numinis voluntate destinatum

Johannes de la Barriere Abbat Commendarium.

Admiranda ejus vocatio.

Res lustræ dignissima.

natum, uti jam nec de primo dubitabat. Potentissima quævis in animum verba erant, & ferro ignito efficaciora, profundissima in corde relinquentia stygmata. Ita attonitum reversus è campis Prior reperit, mox serio exprobrantem; ecurr ipse solus librum retineret; qui Abbatem præ alijs tangeret, & cujus exequutio potissimum ad Abbatem spectaret? Cumque responderet Prior ad Abbates Comendatarios non pertinere, sed qui solemnibus Votis, sub Regula illa se Numini devovissent. Et vero, inquit ille, ad illos vel maximè spectare, qui prorsus ignorarent, *Qualis esse debeat Abbas*, cum talem, nec alium S. BENEDICTUS sibi jure suo deposceret, & contra hæc non attendentem, ad Tribunal Divinum provocaret. Legendum proin ex integro libellum sibi depoposcit, totaque deinceps mente in illum incubuit, serio admodum ignorantia suæ veniam à Numine, rogans, & cum ipsos quoque Religiosos, ex acurata libelli lectione, procul ab Regulis discessisse adverteret, in omnem sese movens & vertens disquisitionem, qualiter & se, & sui Cænobij Religiosos, ad mentem Legislatoris sanctissimi accommodaret. De qua ipsa re, mira deinceps audiemus. *Ex Philippo Malabayla, Hilarione de Costa Annalibus Benedicti. & Menologio nostro, & Hugonis Menardi.*

Montan-
nus vir do-
ctus.

Inter viros sæculi hujus doctissimos, jure meritissimo relatus hoc ipso tempore, celebratur Montaninus noster. Sanctæ MARIÆ de Florentia Monachus Congregationis Casinensis, qui ob insignia & rariora animi talenta, à Magno Herruria Duce Cosima Hospitalis Sanctæ MARIÆ Novæ Præses constitutus est. Translulit ex Græco in Latinum sermonem Philosophiam Nili Monachi antiquissimi, & plura alia edidit præclari ingenij monumenta. *Arnoldus Duac. Annal. Bened.*

Petrus à
Bucholz-
Abb. Glad-
bach.

Ceterum in Congregationibus Casinensi, Vallisoletana, Montferratenfi, Bursfeldensi ingens virorum eruditione & virtute insignium numerus, in Belgio imprimis: ubi primævi splendoris lumina resuscitata licebit admirari. *Ex rer. Belg. Script.*

Extinguitur ex illis hoc ipso anno Illustrissimum omnino lumen, Petrus

à Buocholtz, Virtute atque eruditione non minus præstans, quam generis nobilitate, idem Zelator imperterritus & indefessus promotor disciplina Regularis, inigne columnen Reformationis Bursfeldensis, Abbas dignissimus celeberrimi Monasterij Gladbachensis, æterna memoria pro meritis recolendus. *Ex monumentis Gladbachensibus.*

IESU CHRISTI ANNUS .M.D.LXXII.
Sancti Patris Benedicti. M. XCIV.

Memorabilis hic annus felicissima natiuitate sanctæ memoriæ Dominae Mariæ de Bellovillare, ipso Annunciationis, & incarnati primum Verbi Divini solemnissimo Festo, quæ inter lucidissima nostræ ætatis sydera, haud minore splendore, quam lucifer illuxit, Gallijsque & Ordini nostro decus immortalis addidit. Patrem habuit Claudium de Bello-Villare Comitem S. Aniani, Equitem Regium Andegavensium & Bituricensium Gubernatorem spectatissimum, Matrem Mariam Baboniam foeminam Religiosissimam, quæ vitæ integritate & sanctitate multis intervallis clarissimorum Natalium splendorem superaverat, puella deinceps in omni vita miram præferens Dñi gratiam, de qua uberius deinceps, & in òlentia planè erunt referenda. *Ex Vita ejusdem, & R. P. Amando Tribut Prioris Deruensi.*

V. Maria
de Bellovil-
lare nasci-
tur.

Florentissimum perfectioris Vitæ studium celebratur sub hoc tempore in Patribus nostris Coelestinis, erga quos cum in vita summopere affectus fuisset Carolus IX. Galliarum Rex, id sub mortem suam, imo etiam à morte contestatum volens, cor suum apud eodem sepeliri mandavit, quod & fideliter præstitit Eminentissimus Cardinalis Petrus de Gondy, Archiepiscopus Parisiensis hoc anno.

Matthæus
Movillart
Abbas S.
Gisleni sit
Episc. Atre-
bat.

Mortuo hoc anno Francisco Richardoto Atrebatensi Episcopo, concordibus omnium Canonicorum votis eligitur Matthæus Movillart Atrebas ex Vico sancti Martini, Monachus & Abbas celeberrimi Monasterij S. Gisleni juxta Montes Hannoniæ, quod alias sancti Petri Cella vocabatur, Congregationis Bursfeldensis, sacrosanctæ Theologiae Doctor, Statuum Belgicorum, tempore Ferdinandi Ducis de Alva, Belgij Gubernatoris ad Regem Philip-